

楊襄毅公本兵疏議

楊襄毅公本兵疏議卷之二十三

議勘遼東功罪申飭備禦疏

少傅兼太子太傅吏部尚書管理兵部事臣楊博等
謹

題爲類報虜情事職方清吏司案呈奉本部送據鎮守
遼東總兵官署都督僉事李成梁揭帖到部送司查
得先訪巡撫遼東都御史張學顏塘報虜賊速把亥
專難等聚兵要搶遼東節該本部嚴行訪鎮總督撫
鎮等官加謹哨備去後今該前因查呈到部看得遼
東總兵官李成梁揭稱本年十月初一日賊三百四

五十人入犯清河官軍對敵斬首一十一顆初二日賊二千餘騎入犯盤山官軍對敵止獲達馬五匹我兵陣亡五十八名被傷三十七員名初七日賊二千餘騎入犯大定堡及攻劉溫等屯並未攻克亦無散搶止射死男子五名虜去男婦一十五名口馬牛六匹隻初九日賊過黑莊窠堡奪獲達馬一十七匹初七日賊四百騎入犯黑莊窠堡我兵對敵斬首一顆得獲達馬二匹射死官軍一十員名被傷二十名各賊暫雖退出俱在邊外往聚尚未遠遯除將東西應防兵馬嚴加隄備其獲功陣亡被傷官軍誤事人

員聽巡撫都御史具奏一節爲照前項酋虜自九月
以來即盤據遼薊邊外聲雖在遼意實在薊已而規
知薊東有備無隙可乘以故旬日之間節次分犯遼
東雖稱清河堡拒敵獲功其盤山大定黑莊窠等堡
難保全無失事該鎮緣何通不傳報總督軍門亦無
一字到部中間恐有隱匿別情相應亟行查勘合候
命下移咨都察院轉行遼東巡按御史即將前項賊經處
所從公體勘要見各起達賊的有若干從何隘口進
入何官失於調度何官失於防守何官失於應援斬
獲首級是否真正陣亡被傷官軍擒虜人畜等項是

否止於奏內之數及地方城堡有無隱匿攻克重大
情弊逐一查覈明實并獲功首從人員分別應獎應
問應錄等第造冊回奏及照虜雖退出邊外尚未回
巢即今河水既凍三岔河迤東處所可通大舉而金
復海蓋一帶海墻沃壤尤爲虜所垂涎防守哨備更
當加謹本部仍咨薊遼總督侍郎劉應節嚴飭遼東
撫鎮等官督率兵將隨賊向往相機拒堵截勦務收
全勝如或逗遛觀望致誤事機

國典具嚴自難輕貸隆慶五年十月二十三日題奉

聖旨是欽此

覆遼東巡按御史向程查勘盤山等處功賞疏

題爲達賊入犯官軍就陣斬獲首級奪獲達馬事職方
清吏司案呈奉本部送兵科抄出巡按山東監察御
史向程奏奉

聖旨兵部知道欽此欽遵抄出送司案呈到部看得巡按
山東監察御史向程奏稱查勘過隆慶五年五月內
達賊入犯盤山等處官軍失事獲功緣由及叅鎮寧
堡副千戶劉相鎮靜堡守備唐朴均屬誤事律應提
問但人畜未遭虜掠士卒亦無損傷情有可原合無
免究鎮守總兵官李成梁部下斬首之數雖微地方

保全之功爲大巡撫都御史張學顏遏虜勢於將熾
安邊堡於幾危所當優賚坐營中軍指揮蘇承勛奮
勇當先立成斬獲之績所當賞賚千總劉坦李國相
陳大魁把總洪衛國馬衛都遊擊寧子周馬文龍或
隨營而戰或併力而追宜行將賞巡按御史余希周
雖無叙功之例亦見應變之才各一節爲照前項各
官既經巡按御史向程甄別功罪具奏前來臣等逐
一叅詳俱已允當內御史余希周適當巡蒞之時卒
然遇虜乃能躬親調度立有戰功比之聚行論叙者
不同相應通行議擬合候

命下將張學顏余希周李成榮優加賞眷蘇承勛量加賞
賚劉坦李國相陳大魁洪衛國馬衛都寧子周馬文
龍聽巡撫衙門分別獎賞劉相唐朴各免究治其餘
有功應陞應賞應贖人員另行照冊查議隆慶五年
十月二十六日題奉

聖旨張學顏李成榮各賞銀一十兩紵絲一表裡蘇承勛
賞銀一十兩余希周才略可用吏部記着其餘依擬欽
此

議處通州軍糧馬匹疏

題爲申飭薊昌防秋事宜以重根本以保萬全事職方

清吏司案呈奉本部送准本部右侍郎石茂華咨到部送司案呈到部看得本部右侍郎石茂華議處通州軍糧馬匹二事具見因事盡職之意合就開立前件議擬上請定奪隆應五年十一月初一日題奉聖旨依擬行欽此

一議處軍糧大率謂通州軍士原額三千見在實數未足其中尚有老弱不堪防守欲要揀選精丁二千四百名每名除月給糧八斗外再加二斗糧不踰數軍困稍甦各一節兵既可精糧又不加深得救弊補偏之義合無依其所擬備行該鎮督撫等官即將通

州見在軍士三千名挑選精壯二千四百名責令叅將聶大經從實操練其減退六百名該糧四百八十石就充見軍全糧一石之數務咨戶部驗計施行

一議處馬匹大率謂通州營見在騎操馬止二百餘

匹且減革草料致馬瘦損不堪防禦欲要行太僕寺

將寄養馬再加數百匹其草料仍照依京營事例給領

責令軍人用心喂養一節給而不難養馬爲難應得

草料減去二季委屬不便合應照依其所擬行令太僕

寺將寄養馬量撥三百匹責令叅將聶大經督率軍

士用心喂養其草料無分新舊馬照依京營全季

給領不宜減革以累貧軍移咨戶部議覆施行

覆都給事中章甫端等戒謝安智母子疏

題爲嚴禁奸黨以杜釁端事職方清吏司案呈奉本部
送兵科抄出兵科都給事中章甫端等題奉

聖旨兵部知道欽此欽遵抄出送司查得先該貴州宣慰
使司已故土官宣慰使安萬銓妻祿氏疏窮奏爲漏
網惡賊陽順陰逆罔遵憲斷復殺多命懇乞

天恩俯賜改土設流以杜讎害以永存生事奉

聖旨兵部知道欽此欽遵抄出送司又查得先爲仰仗

天威撫夷逆酋誓服邊境底寧事該貴州撫按官都御史

阮文中等會題稱勘過去安國亨等私隙構兵原
無叛志欲將安國亨削奪職銜令伊子安民代管宣
慰事務其安智退閑伊子安國貝替克頭日照舊住
管卧這阿傀織金地方如再敢圖報復即調官兵夾
剿等因該本部議將安國亨祿氏等姑免一死安國
亨削奪職銜俾其退閑省過責令伊子安民代管宣
慰事務安智並疏窮安插原管地方亦令伊子安國
貝代克頭目若敢再逞私讎互相報復定行闔族剿
殺改土爲流永除禍本題奉

聖旨安國亨兇惡干紀本當動兵剿戮既投見伏罪遵奉

約束并祿氏等都且饒他一死安國亨著筆了任閑住
令伊子安民代管宣慰事安智也著伊子安國貞代充
頭目如再違法構亂定行剿治不饒其餘依擬欽此又
查得貴州撫按官阮文中等原題內開先年有已故
江西金谿等縣民王成吳完三等逃來大方住坐各
流生王實吳彩王承爵王承誥何高王世相郝林茂
姚廷七康恩吳珂吳瓊及將撥置安智等竊捏詞奏
告犯人吳鶴駕劉禮等各不合故違無辜棍徒投托
勢要作爲心腹誘引生事者枷號一箇月發煙瘴地
面充軍事例與劉重三并該司先存今故民李應節

陸續授入安肅銓安仁安國亨門下應用伊等將王
寅吳彩王永壽王承誥何高劉重三李應節龔克
事王世相郝林茂姚廷七康恩充爲氣脉吳瓊吳
充爲小童各名目撥置生事已經本部移咨刑部議
據外所據疏第今次具奏係干瀆擾呈堂議覆聞今
該前因查呈到部看稱土夷安智等向緣家門私讐
互相讎殺貽患夷方已經彼處撫按官會勘明白本
部議擬裁覈復蒙

天恩浩蕩姑貸一死在安智等正當痛加省改保全生命
乃敢故違

詞讀奏情無可原法難輕貸但貴州遠在萬里處
分之 命尚未及知辯析之章胡爲遽上顯是奸惡
潛住京師網利啟釁必欲遂其撥置之私除所奏事
情立案不行安智母子姑難深究外所據抱本家丁
安順阿廢本以漢人投入土夷誘引生事正與吳彩
吳鶴媚等所犯無異既經兵科都給事中章甫端等
具題前來詞嚴義正與本部所見大略相同相應依
擬合

命下移咨 司將安順阿廢照依吳彩等所引事例問
本部仍行該省撫按官戒諭安智子母洗心

過若敢輕信奸徒再行奏擾竊行動兵剿除以爲戒
首怙終者之戒隆慶五年十一月初六日題奉

聖旨是欽此

覆巡撫雲南都御史曹三暘等議處革任黔國公

沐朝弼疏

題爲陳言地方至要懇乞轉奏以慰人心以安南土事
職方清吏司案呈奉本部送兵科抄出巡撫雲南兼
建昌畢節等處地方贊理軍務都察院右副都御史
曹三暘巡按雲南監察御史許大亨題俱奉

聖旨兵部知道欽此欽遵抄出送司卷查隆慶四年五月

內談雲南撫按官陳大賓等題爲再論鎮臣違

命不悛懇乞 宸斷以正 國法事本部覆議沐朝弼雖

有宿愆見已削職仍乞

天語叮嚀重加戒飭務要痛自脩省以保身名不許實緣

干預府事重貽深處等因題奉

聖旨是欽此欽遵外又查得先准工部咨爲懇乞

天恩給賜祭葬以光泉壤事奉

聖旨是沐朝弼准扶柩安葬事畢即回欽此今談前因通
查案呈到部看得巡撫雲南右副都御史曹三陽巡
按雲南監察御史許大亨各題稱革任黔國公沐朝

弼驕縱不法罪惡多端荷蒙

聖恩俯念勲臣不加戮辱姑革職任准令伊子沐昌祚替領鎮務革任之後父子相殘軍民被害近奉

欽依許其扶送母柩回葬及其未回即行安置南京一節爲照黔國公沐朝弼奏庸狂悖罪狀多端但革任以前之事已蒙消除革任已後之事未見實據若止因其乞假暫回南京即行安置則是

朝廷之令不信於朝弼輕爲反汗

朝廷之威不行於朝弼姑示羈縻

國體人情均屬未安即今巡撫侍郎鄒應龍不日赴鎮

相應聽其勘處合候

命下備行鄒應龍速將撫按官所奏事理會集司道衛所府縣耆宿人等從長計處務使上下之情不致讎嫌父子之間永絕猜疑如果朝弼不知省改或干預府事或虐害下人或陰圖嗣子的有罪狀作速具奏生殺譴罪

國憲具在自難輕貸隆慶五年十一月初七日題奉聖旨是沐朝弼已有前旨處分了著照舊本鎮閑住以後如敢干預府事生事虐民撫按官叅來處治欽此

覆都給事中張國彥等論總督京營戎政鎮遠侯

顧憲解任疏

題爲目擊重臣衰老不堪懇乞

聖明亟處以振國威以昭公道事職方清吏司案呈奉
本部送兵科抄出禮科都給事中張國彥等題奉
聖旨兵部知道欽此又奉本部送兵科抄出總督京營戎
政太子太保鎮遠侯顧憲奏爲懇乞

天恩憐憫年力衰老不勝重任容辭戎政以息人言事奉
聖旨兵部知道欽此欽遵通抄送司案呈到部看得總督
京營戎政太子太保鎮遠侯顧憲營務巨細皆知操
持始終無玷但年近七十精力委果衰遲不惟都給

事申張國彥等今日言之本爵屢疏求閑詞極懇切
具見自知自量之義相應議處合候

命下將顧寰解其職任在府帶俸遺下總督戎政員缺照
例會官推補但大臣進退出自

朝廷臣等未敢定擬隆慶五年十一月初九日題奉
聖旨是顧寰著閑住欽此

覆陝西總督都御史戴才報貢市功賞疏

題爲仰伏

天威套虜輸欵求貢乞

賜廷議早定大計安虜情消隱憂以永固邊圉事職方清

吏司案呈奉本部送兵科抄出總督陝西三邊軍務
都察院右都御史兼兵部右侍郎戴才題奉

聖旨兵部知道欽此欽遵抄出送司案呈到部看得總督
陝西三邊右都御史戴才題稱河套虜酋強橫狂逞
累年入犯乃今一旦革心內附稽首稱臣貢以戰馬
售以耕牛商民獲利華夷不擾實由

聖主神威閣輔協贊本兵運籌諫臣申諭用是吉能等輸
誠納款進貢互市大事已成理合奏報各一節爲照
套虜吉能等感孚

聖化稽首稱藩貢市告成華夷胥慶誠爲

熙朝盛事所據一時効勞諸臣除監市委官原任叅將郭
鈞等聽談鎮督撫官徑自犒賞外即如總督戴才等
畫悉當與有綜理之勞延綏巡撫邵光先寧夏巡撫
張蕙延綏總兵官雷龍寧夏總兵官謝朝恩文武相
資與有分理之勞叅政兼僉事侯東萊僉事蕭大亨
汪文輝往來經理勞亦難泯相應通行依擬合候
命下將戴才特加賞叅部光先張蕙雷龍謝朝恩厚加賞
叅侯東萊蕭大亨汪文輝量加賞叅但

恩典出自 朝廷隆慶五年十一月初十日題奉

聖旨是戴才賞銀三十兩紵絲二表裡邵光先張蕙雷龍

謝朝恩各二十兩一表裡侯采采等各十兩欽此

推英國公張溶掌後軍都督府事疏

題爲缺官事武選清吏司案呈照得後軍都督府掌印
彰武伯楊炳員缺難以久虛呈乞推補案呈到部臣
等看得兩京五府掌印員缺例該於公侯伯內推補
除成國公朱希忠資望深隆屢經辭任無容再議外
其餘各爵或質美而諳練未經或才優而年齡已邁
以故每遇員缺停推日久即如向來戎政總督至勞
宸衷親賜裁斷臣等待罪本兵深切惶悚所據前項員缺
該司既稱難以久虛臣等查得太子太保英國公張

溶太子少保恭順侯吳繼爵雖嘗被有彈劾年力尚
強事體頗練適當乏才之時舍短取長似難終弃伏
乞

聖明於內簡命一員銓註後軍都督府掌印管事務要滌
慮洗心力補前愆聿修後效隆慶五年十一月十四
日題奉

聖旨張溶著後軍都督府掌印管事欽此

覆宣大總督尚書王崇古議修邊政疏

題爲虜衆內附邊患稍寧乞及時大脩邊政以永圖治
安事職方清吏司案呈奉本部送兵科抄出總督宣

大山西寺處地方軍務兼理糧餉太子太保兵部尚書兼都察院右副都御史王崇古題奉

聖旨兵部知道欽此欽遵抄出送司案呈到部看得總督宣大山一四尚書王崇古條陳八事具見本官恪遵

廟筭殫竭忠猷方當貢市之初即能持經權之議正當貢市之時又能勤戡守之圖殊可嘉尚但邊計之已完者必須備行巡按御史逐一閱視庶不爲紙上之虛文邊計之方興者亟當申飭鎮巡等衙門刻期舉行庶可以脩攘之實效除積錢糧開屯田理鹽法三事係戶部整器械一事係工部聽其徑自議覆外所

據脩險隘練兵馬收胡馬散逆黨四事合就開立前
件議擬上請定奪隆慶五年十二月初一日題奉
聖旨依議行欽此

一脩險隘內稱督脩過宣大山西三鎮工程四年完
報宣府鎮城堡關廟村寨墩臺壕塹共一百八十三
處大同鎮城堡墩臺山寨街口壕塹共一百八十五
處山西鎮城堡墩臺崖共九十七處五年報完前
項各鎮碑包土築并加幫補葺城堡墩臺牆垣崖坡
營房水口品窖并採柴打坯燒造磚灰各項工程數
目不等乙要通行查閱其未完及山西野諸情等處

工程候明春分別衝緩勒限完報一節參詳所擬四
年五年脩過工程數多則是議貢之時原未忘內治
之備合無備行三鎮撫鎮兵備各道將領等官照依
軍門并本部節次題行事理各將所轄地方應該接
脩工程酌量衝緩查照原擬採積窯柴木料打燒坯
磚等項俟明春土脉融和及時脩理工小者期於一
年工大者期以二年通要完報其前項已完工程移
咨都察院轉行宣大山西各該巡按御史逐一查勘
要見脩築者果否堅固削濬者果否險深足堪防守
軍夫錢糧有無虛冒等情覈實造冊先行具奏仍候

大臣至日閱視施行

一練兵馬內稱各鎮官軍春夏秋三時多趨事脩築
乘暇操練全在三冬首春已經置立操簿分發各鎮
總副叅遊守操坐營等官每日如法操練仍乞嚴禁
將領不許偏護家丁凌侮軍士及縱容包占雜役一
節叅詳所擬操練之法章程具在但恐地方隔遠奉
行未至未免徒爲文具合無備行三鎮撫鎮兵備各
道督責各該大小將領遵照軍門置立操簿規矩各
將所統馬步官軍分別技藝選立教師趁此冬閑著
實操演仍要分入營陣布置紀律務期士馬精強以

恃戰守督撫官仍不時巡閱中間若有玩愒因循驕惰如故者查照原議按其伍隊司營俱以軍法從事干礙將領從重叅究兵備各道一併罰治如各該將領敢有仍前偏護家丁凌侮也占軍士者聽督撫巡按官叅革重治仍候大臣至日查閱施行

一收胡馬內稱各鎮歲市胡馬數多若盡給官軍不惟多費芻餉抑恐市資不繼乞要每年請發宣大山西三鎮各馬價一萬二千兩聽易上等虜馬千匹市完定赴各關俵兌寄養一節叅詳所擬寄養州縣見馬甚多京營軍士馬亦是用今欲每年俵兌寄養事

體恐難且三鎮各營馬數多缺就彼兌軍餉鉅原非
取之額外軍容自可壯于師中合無候隆慶六年正
月容本部題發三鎮各馬價銀一萬兩解赴巡撫衙
門聽其易買臆壯好馬一千匹就給本鎮軍士騎征
事完造冊奏繳青冊送部查考以後年分另行議請
其餘橋棚馬價等項悉如所擬通候大臣至日查閱
施行

一散逆黨所題解散逆黨一節反覆辯論大約謂首
虜數萬誓絕侵犯日用飲食全資板升收穫今若招
徠大速恐放戎心乞要沉機密畫徐圖剪除及稱

虜人計龍趙景庫王道科小土谷氣候天祿各懷忠
効勞報逆發奸揆之招降

詔例應加官賞以結其心一節除招降密畫事在閫外聽
其徑自酌行外所據計龍等五人身繫虜庭心在王
室因而獎與誠足爲歸正者之勸但欲照例加官不
惟事體有妨抑且機關大露合無備行王崇古將計
龍等不時重加賞犒果能建立奇功

朝廷自有重大恩典與本部仍通行山大撫鎮官嚴督兵
備沿邊將領等官各要謹飭邊防禁戢奸民不許出
入構虜曉諭邊腹軍民不得傳習妖異自取重罪

水更考之要言 卷之三 一
覆巡撫陝西侍郎張瀚脩城開堰叙功行勘疏

題爲遵

明旨議處包軌城以重省會復洪堰以興水利事職方清
吏司案呈奉本部送兵科抄出巡撫陝西地方兵部
左侍郎兼都察院右叅都御史張瀚題奉

聖旨兵部知道欽此抄出送司案呈到部看得巡撫陝西
侍郎張瀚題稱脩過會省城垣涇陽等縣洪堰工完
乞將原任總督今陞宣大總督尚書王崇古南京兵
部尚書王之誥總督右都御史戴才原任巡撫今聽
用張祉養病張師載陞南京戶部侍郎楊思忠先後

巡按御史王君賞李良臣楊相郭庭梧褚鈇蕭厚原
任左布政今陞都御史栗永祿府尹曹金左布政李
敏德原任守巡關內道叅政溫如春副使張一霽求
利副使陳善道西安府知府安嘉喜同知蘇璜原任
同知今陞右給事中宋之韓原任通判推官知縣今
陞知州謝銳御史劉世賞給事中龔貞待問主事薛綸
各加賞賚一節爲照腹裏地方脩築城池開通水利
均係所司常職比之各邊繕治亭障者不同及查奏
內各官或離任已經多年或職任全無少預聚行錄
叙尤非正體所宜相應亟行釐正合候

命下移咨都察院轉行陝西巡按御史即將前項工程逐一閱視是否堅固通利有無冒破錢糧作速造冊奏繳并冊送部查考本部仍通行十二省巡撫衙門今後但係腹裏府州縣脩築城池止將脩過工程用過錢糧具奏查覈不許與邊方一體議賞若承委卑官効有勤勞巡撫官徑自分別獎犒如違聽臣等與該科從實叅究隆慶五年十二月初一日題奉

聖旨是內地脩城開堰係有司常職如何輒來報功且叙及先後督撫并茶馬查盤御史是何政體張瀚姑著罰俸二箇月以後再有這等的叅來處治欽此

覆陝西總督都御史戴才報裴家川二穴行賞疏
題爲恭報原議增脩極衝邊垣墩堡工完懇乞

聖恩甄叙效勞文武官員以勵人心事職方清吏司案呈
奉本部送兵科抄出總督陝西三邊軍務都察院右
都御史兼兵部右侍郎戴才題奉

聖旨兵部知道欽此欽遵抄出送司案呈到部看得總督
陝西三邊軍務右都御史戴才題稱裴家川地方邊
垣墩堡工程就緒各該文武官員効勞緣由乞要將
先任總督右都御史今陞南京兵部尚書王之誥先
任巡撫陝西今陞南京戶部侍郎楊思忠新任巡撫

陝西兵部左侍郎張瀚特加錫典陝西總兵官呂經固原兵備副使王宮用重加叙賚副總兵劉濟遊擊陶承譽原任叅將孟宋尹濂併加叙賚尹濂酌量推用孟宋仍行開伍原任守備張應祥經歷楊橘等三十四員行總督軍門分別量加犒賞各一節除孟宋犯諛永遠軍罪非立軍功例不准贖開伍外爲照靖虜裴家川一帶北連中衛南控蘭州實係極邊衝險之地垣墻墩堡既經脩築完備扼虜保民大有補於邊防所據先後效勞各官均可嘉尚既該總督都御史戴才甄叙前來係干激勸相應通行議擬合候

命下將王之誥戴才楊思忠張瀚里加賞賚呂經王宮用
同加賞賚劉濟陶承譽尹濂孟宋量加賞賚尹濂仍
附簿酌量推用張應祥楊橘等俱聽軍門分別犒賞
一面移咨都察院轉行陝西巡按御史將脩築過工
程用過錢糧各數目覈勘明實造冊奏繳隆慶五年
十二月初四日題奉

聖旨是王之誥戴才各賞銀三十兩紵絲二表裡楊思忠
張瀚呂經各二十兩一表裡王宮用并劉濟等各十兩
欽此

覆宣大總督尚書王崇古條上預防邊事隱憂疏

題爲預陳邊事隱憂懇乞

聖明申諭邊臣早爲計處以保萬全事職方清吏司案呈
奉本部送兵科抄出

欽差總督宣大山西等處地方軍務兼理糧餉太子太保
兵部尚書兼都察院右副都御史王崇古題奉

聖旨兵部知道欽此欽遵抄出送司案呈到部看得總督
宣大山西尚書王崇古具題前因大率詳陳黃酋始
末逆順之情軍門處置品級縱之法具見壯猷除塞下
虛耗諸將推諉二事辯析已明無容別議外所據封
疆弛守屬夷疑叛勇士欺逸市地增加四漸合就

立前件議擬上請定奪隆慶五年十二月十八日題奉

聖旨依議行欽此

封疆弛守之漸大意謂諸虜部落甚衆今既禁絕侵犯中間窮虜竊擾豈能盡防自本年八月以後宜府西陽河等處黃台吉部下達賊劄死墩軍及入邊搶馬索降節經勘明原非侵犯隨將誤事官以軍法責治夷賊發黃台吉處重懲外即今順義王俺酋等添差巡邊夷酋往來巡禁要將各邊墩夜除行糧外其哨糧各量減一半收備犒賞仍選差提墩監哨官于

各火兵住巡邊口各擇近墩住守內外防範晝夜巡
哨又將沿邊不堪邊牆墩臺來春脩築各一節恭詳
所擬甚得慎固封守之義合無備行宣大山西總督
撫銀官傳諭順義王俺荅等照依分定邊口定派頭
目率領散兵往來巡禁但有猾賊求索騷擾擒拏處
治具墩夜哨糧准令減半收貯專備犒賞仍嚴督提
墩監哨官隨夷兵住巡邊口內外防範不許內逆奸
詭私相構結以啟釁端少俟來春土融將沿邊不堪
牆壞墩臺脩濬加封務期高深防守足恃通候大臣
五日查閱施行

熟夷疑叛之漸大率謂宣鎮熟夷史大史二中夷伍
樂等住近番把二酋巢穴時常偷伊牛馬頻年將官
糾合各夷收趕馬匹殺獲首級以致二酋抱恨每思
收搶今各夷因二酋通貢既失偷馬斬級希賞之利
又恐該鎮無所用彼或戒撫賞各懷疑近又竊偷
馬牛二酋愈致憤恨要行撲殺各夷內戀撫賞外畏
仇殺決不陰懷異志但鼠竊之性累戒未悛禁防之
令須宜嚴慎欲要撫賞之中特示勸懲之機各一節
衆詳所擬無非俯順夷情以保貢市萬全之意但黃
把二酋變詐非常有求無不由聽在我反爲褻恩終

非制馭之常史車二營欵服已久緩急不爲之處在
我似爲損威殊非弘覆之義合無備行總督王崇古
公同宣府撫鎮等官如果黃把二酋仍以仇殺史車
二營爲詞即便曉以大義大率謂軍門即當嚴禁二
營夷人不許再來偷爾馬匹掠爾人口二營夷人如
或不知省改定行挈赴軍門以軍法重治仍將月犒
查革今爾要將二營夷人押送爾營處分自無此理
渠若不從或別有反側之跡明白具奏即不得已而
至於用兵其屈在彼其直在我以後貢亦可常市亦
可久其史車二營部落仍行彼處叅將務各收入險

峻去處多方護持毋令爲虜魚肉未盡事宜仍聽聞
外徑自施行

勇士散逸之漸大意謂三鎮諸將招蓄家丁數多在
宣大總兵官馬芳營通丁六百九十六名趙岢營通
丁一千二百四十一名往年搗巢趕馬得利自贍今
既絕外獲之資又無內養之計漸生愁怨恐致散逸
但各丁多係降夷不善耕種又無餘丁有難撥給荒
田要將三鎮通丁分別一等二等月糧之外仍給肉
菜銀并幼丁糧銀以資養贍至於軍門兩掖撫臣標
下及可遊等營各踞援兵一體施行又要各總兵營

養廉地租草場草價每年各分千金以養死士各一
節參詳所擬計處俱當合無備行宣大山西總督撫
鎮官轉行兵備各道將一等真夷二等通事月糧肉
菜并幼丁糧銀馬匹草料如議查給養贍其軍門兩
掖巡撫標下及奇遊等營各路援兵各家丁查明一
體支給應支糧銀倉庫查給肉菜幼丁糧銀聽各道
備查節月各營逃亡事故官軍臨倉扣除銀內支給
不足之數於各營無丁應扣之銀奏支無容增加歲
額至於宣大二鎮總兵官果能每年將養廉地租草
場草價各分千金養士尤見潔已體國之忠各該

撫按官奏請 駐賞以示激勵

市地增加之 漸大意謂近該處舊昆都力哈市完仍
乞就近獨石邊界每月量以馬牛數隻匹易換布物
充用隨却重使原未許增開市場但節據各酋懇告
虜衆分駐北谷數百里一歲數日之市焉能遍及
乞要比照回原三衛事例每月准附近邊外續市一
次以免來往大市擁擠市場一節參詳原議每歲止
許互市一次既市之後如有分外乞討一切拒絕今
若月月互市未免內外奸人往來構結殊非嚴限華
夷之義合應備行宣大山西總督撫鎮官仍照原議

除每年春月互市外如有分外乞討即便嚴加禁約
仍行順義土俺酋傳諭各部落不許往來近邊騷擾
如敢縱放冷虜要求續市許巡邊夷酋拏赴軍門押
送順義王帳下重處其互市地方三鎮各在原所決
不可輕易加增一處至於各該夷酋傳報邊情投遞
番文但係公事督撫官應該撫賞犒勞者徑自隨便
酌處本部難以遙制

請宣遼東等一次捷音疏

題爲仰仗

天威恭報禦席天捷事職方清吏司案呈奉本部送兵科

抄出總督劉遼保定等處軍務兼理糧餉兵部右侍郎兼都察院右僉都御史劉應節巡撫遼東地方兼贊理軍務都察院右無都御史張學顏征虜前將軍鎮守遼東地方總兵官署都督僉事李成梁題俱同前事奉

聖旨兵部知道欽此欽遵通抄送司查得

大明會典內一欵各處奏捷鴻臚寺將差來人員引至

御前宣讀捷音欽此今照該鎮斬獲首級五百八十八顆較諸一百一十顆之大捷已踰五倍相應照例宣捷等因案呈到部看得劉遼總督撫鎮等官侍郎劉應

節度寺恭報大捷一節爲照九邊醜虜在宣大山西則
有吐蕃諸部在陝西三邊則有吉能諸部在薊遼則
有土蠻諸部西馳東騖屢肆兇殘頃者西虜俺答率
領地都兒黃台吉吉能等稽顙稱臣輸心入貢一歲
之間七鎮咸寧獨東虜土蠻猖獗猶昔建州諸夷與
之並軍勢相倚時爲邊患仰賴

聖皇在上一天威震疊神武布昭加納輔臣之議特頒
勅諭督責九邊臣盡心防禦一時大小文武諸臣仰承
廟筭罔不委身奮志共期滅虜而後朝食乃今首汪住
等竊于冬深冰凍之時糾衆入犯聲勢甚盛總兵

李成梁乃能督率將兵效死血戰始而夾勦前鋒終而直擣巢穴斬級近六百之多計功踰五捷之外且斬有首首二人奪有明甲二百餘副夷馬六百餘匹其餘夷器更多官軍損傷甚少不惟近而土蠻見之寒心亦且遠而俺荅聞之落膽誠無前之奇功中興之偉烈也除獲功員役另行論叙外合候

命下移咨禮部行欽天監擇日鴻臚寺于早

朝將差來人員引至

御前宣讀捷音隆慶五年十二月二十日題奉

聖旨是欽此

覆陝西巡茶御史褚鈇條議茶馬事宜疏

題爲條議茶馬事宜懇乞

聖明裁定以期修復以濟邊圉事車駕清吏司案呈奉本部送兵科抄出巡按陝西監察御史褚鈇題奉

聖旨該部知道欽此欽遵抄出送司案呈到部看得巡按陝西監察御史褚鈇條陳五事均於茶馬有裨合就開立前件議擬上請定奪隆慶五年十二月二十三日題奉

聖旨依議行欽此

一曰議招中以圖實用大率謂洮河西寧三茶司每

年招番中馬時有定期馬有定額邇來新設甘州茶司暫委彼處防守等官止取老弱充數而地方官豪收買不堪馬匹頂番言中徒費官茶無濟實用乞要議將以後比照洮河西寧茶司事例以六月開中仍聽本官行令分巡西寧道擇委廉幹官員依期管解毋分兒騾扇馬俱要齒歲相應尺寸合度臚壯堪騎方許中納大約以八百匹爲止務限兩月以裏通完仍禁官豪勢要不許私相交易頂番言中查得甘州茶馬事在草創之初委當嚴立科條亟加整飭合無悉如所擬行令該道從實舉行

二曰議商茶以革積弊大率謂舊例招商中茶分爲上中下三引官茶易馬商茶給賣每商各給附茶以爲酬勞至於經過地方責令掌印官查驗佐貳官催運稽察奸弊情法至盡邇來因循府州縣正官不肯用心料理率多轉委首領徃徃受賄容情將黑茶作附黃茶作正賣與寄黃輪年作弊不立限期任情准給以致商無勸懲茶法盡壞乞要將以後招商引內註定年限完納近者嘗賚遠者問罪經過漢中地方專責推官一員查驗如有引外夾帶茶篋即便斫截入官或推官員缺公委府佐代任不得仍委首領致

滋弊端各處巡捕官照依新定長單催僭商人不得
任意耽延刺期完報但推官多隨巡按御史理刑恐
不能常川在府合無專責知府稽查餘悉如擬施行
三曰議種馬以蕃孽牧大半謂甘州設立茶司先年
議將四川課茶徵解本色招番易馬後因川民苦累
改徵折色解送甘肅巡撫衙門買馬支用後又改題
解運苑馬寺易種馬隨將西寧應解談寺茶馬兌
給甘鎮則各鎮止領原額馬數惟甘鎮則新增馬數
益多似屬不均又謂蘭州茶依期解運甘州而四川
課銀分文未解談寺今苑馬寺種馬止有八千餘匹

其數甚少乞要將前項原充甘鎮馬二百八十五匹
照舊徵解苑馬寺孳牧其四川拖欠茶課銀兩徵解
備賑其餘贓罰等項銀兩查出湊實種馬計處俱當
合無依其所擬本部移咨甘肅巡撫衙門查將原充
馬二百八十五匹自隆慶六年爲始照舊徵解赴苑
馬寺孳牧仍咨四川巡撫衙門行令所屬各該州縣
將隆慶五年以前拖欠茶課銀兩作速催解苑馬寺
其餘贓罰等項銀兩盡數查出悉聽本官分發各該
兵備道照依原議價值收買種馬發苑孳牧

四曰議騾駒以免民累太罕謂苑馬寺騾駒如遇飄

沙虧欠一駒先年止納銀三兩近無收項因有例不肯搭配孳生甚至倒死止令納銀牧軍驕橫孳生數少乞要行令該寺監苑寺以後嚴督牧軍務將馬匹搭配孳生遇有生駒逐一登記格眼冊內呈送本官查考如有虧欠止追馬駒不得再行納銀查係馬政舊例相應依其所擬

五員議責成以便巡察大率謂茶馬先年最爲重事邇來各該官員視爲泛常漫不經心致使茶徒肆起已經各官提獲問罪本官但恐巡歷未周或委所在官司嚴禁督責未免責放邀功乞要以後產馬經過

去處專責各該兵備道嚴行禁革茶徒稽察奸弊應
領勅書俱添無理茶法字樣但增換

勅書事體重大合無斟酌所擬備行各該巡撫都御史轉
行陝西關南隴右守巡四道洮岷臨鞏西寧三道四
川川北守巡安綿三道各守巡兵備官以後俱要不
妨原務無理茶法修職或不修職悉聽巡茶御史一
併舉刺

覆勘遼總督侍郎劉應節等遼東大捷陞賞疏

題爲仰仗

天威恭報禦虜大捷事職方清吏司察呈奉本部送兵科

抄出總督劉遼保定等處軍務兼理糧餉兵部右侍郎兼都察院右僉都御史劉應節巡撫遼東地方兼贊理軍務都察院右僉都御史張學顏征虜前將軍鎮守遼東地方總兵官署都督僉事李成梁題俱同前事奉

聖旨兵部知道欽此欽遵通抄送司案呈到部看得總督劉遼侍郎劉應節巡撫遼東都御史張學顏鎮守遼東總兵官李成梁各題稱本年十一月內達賊汪佳等糾衆入邊總兵官李成梁督率兵馬馳至卓山迎敵奮勇夾攻直搗巢穴斬獲首級五百八十八顆內

把兒大寧公提賊首二顆奪獲達馬六百餘匹明甲
二百餘副各樣夷器甚多及稱閣部大臣簡在

聖心宜加渥典總兵官李成梁功當首論遼陽副總兵趙
完清河守備曹簋功爲奇特叅遊等官郭承恩朱良
臣馬文龍功即次之遊擊張延賞分巡僉事王之弼
管糧郎中王念原任叅將黑雲龍等守備等官周之
望等俱應錄叙各一節爲照自遼東以至甘肅九邊
皆與虜爲隣我

大祖驅逐于前我

成祖犁庭于後雖天威震疊如雷如霆然二百年来猶不

免侵軼之擾甚至攻陷邊郡流毒郊圻樞莞之司時
無停牘封疆之吏日無暇晷固未有如隆慶五年之
極盛者在西虜立成納款周歷四時絕無煙塵之擾
錢糧節省者不貲生靈保全者無算千羽之舞真再
見于虞庭在東虜坐見披靡斬首六百緇竿巢穴之
空誠獲名王二人奪獲甲馬千數捷伐之威殊有光
于周雅我

皇上神功聖德出自天授上揚

二祖之烈下垂萬世之憲臣等淺昧何所揄揚所據一時
效勞人員理應甄錄在內則如大學士高拱張居正

池上夔龍機務運諸掌上禁中頗牧虜情如在目中
議貢市於西陲或主于謀或主于斷竟成偃武之休
授方略于東裔乃至再乃至三茂著平胡之績
向雖連章辭免出自衷誠今當懋賞式頒實關彝典
公論久虛軍功難掩相應併叙以俟

渥恩在外則如總督右侍郎劉應節威揚閩外猷壯師中
雖當冰凍之時屢動振旅之備激將士以同心勝算
能決於千里致虜酋之落膽豐功果著於三韓法常
首叙巡撫右僉都御史張學顏質心任事銳志籌謀
功收三捷雖總兵效命之忠謀出萬全咸巡撫發

之力遼海生輝間山增氣法當同叙至於總兵官署
都督僉事李成梁名騰九塞勇冠三軍血戰全勝之
略數十年來罕有其儔不惟土蠻自消窺伺之心抑
且俺荅益堅貢市之念功本殊常恩當破格并其餘
有功文武各官既經彼處總督撫鎮官甄別前來相
應通行議擬合候

命下將高拱張居正特加陞賞仍與世廕劉應節張學顏
王加陞賞李成梁厚加陞賞仍超廕其子以示優異
趙完曹簞大陞三級郭承恩朱良臣馬文龍各重加
陞級張延賞准其贖罪仍加賞賚王之弼量陞俸級

王念黑雲龍等重加賞賚周之望等量加賞賚其餘
從功陣亡人員移咨都察院轉行巡按御史作速覈
實具造冊奏繳此外有無失事情弊一併查勘回奏但
恩典出自 朝廷隆慶五年十二月二十五日題奉

聖旨日天該鎮禦虜大捷奇功可嘉劉應節陞俸一級賞銀
四十兩紵絲二表裡李成梁陞署都督同知廕一子正
千戶世襲張學顏陞右副都御史照舊巡撫還各賞銀
二十兩紵絲二表裡趙完曹鑑各陞實職三級郭承恩
朱良臣馬文龍各陞實職二級張廷賞准贖仍與趙完
等並承恩等各賞銀二十兩土之弼陞俸一級并王念

黑雲龍等各賞銀二十兩周之望等各十兩本兵調度有功楊博賞銀四十兩紵絲二表裡谷中虛等各二十兩詠司掌印官十五兩其餘的各十兩欽此續奉

勅諭輔臣高拱張居正運籌制虜茂著忠勲茲特加恩拱加柱國進兼中極殿大學士給與應得誥命居正加少師兼太子太師餘官俱如舊還各廕一子錦衣衛正千戶世襲如勅奉行欽此

推錦衣衛指揮傅霖等管衛事疏

題爲公務事武選清吏司審呈奉本部送兵科抄出太保兼太子太傅錦衣衛親軍指揮使司掌衛事後軍

都督府左都督朱希孝等題奉

聖旨兵部知道欽此欽遵抄出送司案呈到部看得太保
兼太子太傅錦衣衛掌衛事左都督朱希孝等具題
前因大率謂本衛堂上官例該十員見仕官少衛務
繁多欲要於南北兩司世廕并武科官以相兼推舉
堪任者二員前來一同辦事一節爲照南北二司見
任官內止有錄廕全無世襲其錄廕一項節年雖有
上堂僉書管事俱係

特恩原無本部推舉事例既經該衛題奉

欽依謹將見任指揮傅霖等逐項分別通行開坐伏望

皇上俯垂省覽於相漑宮內

特賜簡用臣等職司邦政不敢不據實議請恭候

聖裁隆慶五年十二月二十七日題奉

聖旨傳霖馮佑著本衙堂上僉書管事欽此

奉 旨再議山東民兵改徵銀兩以贍南兵疏

題爲遵

明旨據愚見條陳剿鎮事宜以少裨邊方大計事職方清
吏司案呈奉本部送先該本部題談巡撫山東等處
地方兼督理營田都察院右僉都御史梁夢龍題奉
聖旨兵部知道欽此欽遵抄出送司案呈到部看得巡撫

山東都御史梁夢龍題稱查議得薊鎮選募南兵欲
罷山東民兵三千徵取銀兩以充工食爲該鎮計其
便但山東兵馬只此一營皆係驍勇健鬪一旦罷散
萬一近塞有警將何所恃且既散之後農則不堪商
則無本流落爲盜種種可憂欲將民兵將照舊存留
赴邊南兵工食另議均派各一節爲照薊鎮議罷山
東民兵原爲徵取工食以抵南兵之費節經本部覆
奉

欽依行令山東巡撫計議去後今據巡撫梁夢龍公同各
該司道等官詳論該省民兵決不可罷思深慮遠無

非保安地方至計相應依擬合候

命下移咨山東新任巡撫傅希摯將該營民兵照舊存留
赴邊一百仍咨薊遼總督劉應節將南兵工食從長
計處另行具奏等因奉

聖旨著再議停當來說欽此欽遵抄捧送司案呈到部看
得巡撫山東都御史梁夢龍題稱欲將民兵照舊存
留赴邊南兵工食另議均派一節大率參酌各道之
言爲東人計無不曲盡但前項民兵起自庚戌虜變
之後專爲防禦薊鎮非爲山東蓋山東六府併沿海
一帶額設衛所棋布星羅

祖宗兵防之制至爲詳密若謂彈壓內寇不知庚戌以前
未有民兵之時地方有警何以爲計若使民兵果稱
精健薊鎮總督如手足之捍頭目求之尚不可得豈
肯輕爲議罷及查沂州道原議明開本鎮身親疆場
之寄既以爲可罷奚有不宜臨清道亦稱當事者既
議折銀事爲至便則是諸道之中所見已自不同固
非盡如巡撫之說係于兵食大計遵奉

明旨相應再行勘處合候

命下備行新任巡撫傅希輦即便公同司道從長酌議要
見前兵是否懦弱應否全罷或分別強弱量爲存留

文書到日限二十日以裏作速具奏不得含糊延緩
致悞春防隆慶六年正月初六日題奉

聖旨是欽此

覆尚寶司卿劉奮庸等申明上直親領金牌疏
題爲申明舊例以重侍衛事車駕清吏司案呈奉本部
送兵科抄出尚寶司卿劉奮庸等管領大漢將軍駙
馬都尉許從誠題俱奉

聖旨兵部知道欽此抄出送司案呈到部看得尚寶司卿
劉奮庸等題稱侯伯駙馬關領金牌要行每日赴司
畫字又該駙馬都尉許從誠題稱會典內並無逐日

繳牌畫字之例各一節爲照該司與駙馬許從誠交
相辯析專爲赴司畫字一事緣衙門規制備載會典
就所言而折其中大率當以會典爲主會典明開駙
馬上直須關金牌交承之時自當赴司親領向來不
行親領委係訛以傳說若欲令其每日畫字會典既
未開載事體亦自難通至於各該輪直官員與駙馬
常川上直者不同著在令甲相應申飭遵守合候
命下備行該司以後應該輪直官員俱要於簿內明白附
寫花名畫字給領符牌如遇下直交割明白勾銷不
許私相交遞違者聽該司叅究其駙馬止是交承之

許國領金牌交割金牌各赴司書學一次餘日只
舊例不得再行奏擾隆慶六年正月十七日題奉
聖旨是欽此

覆福建巡按御史杜化中劾叅將等官王如龍等
提問疏

題爲被劾貪穢將領鑽刺部院大臣及司府勘問等官
致圖脫網懇乞

聖明嚴行並究以正法紀以昭公論事職方清吏司案呈
奉本部送吏科抄出巡按福建監察御史杜化中題
奉

聖旨吏兵二部知道欽此欽此抄出送司案呈到部看得
巡按福建監察御史杜杞中具題前因除事干文職
者吏部徑自議覆外其稱原任福建南路叅將王如
龍遊擊將軍金科都司僉書朱珏貪淫殘酷違法多
端金科朱珏且用財鑽刺致圖脫網欲要將金科朱
珏王如龍遞回福建容臣嚴究如律及稱薊鎮總兵
官戚繼光納汙含垢不恤公議臨財苟得徒盈私囊
亦要嚴加戒諭各一節爲照金科朱珏始而犯脏被
叅終而用賄求免僉心獸行鬼術神奸言之誠可痛
恨但查原案事理大略二端其一用財鑽刺事在此

中巡按得之耳聞其一用財脫網事在彼中巡按得
之目擊必須各另究處方得盡法見今二犯與王如
龍挑選南兵計期俱已在途即使有官更代地方隔
遠倉卒無及合無備行總督劉遼侍郎劉應節馬上
選差的當員役催促南兵作速赴鎮就將金科朱珏
王如龍用心羈絆到鎮之日一面委官接管一面拏
解赴京聽本部轉送刑部多方鞫審要見戚繼光過
付之贓何人齎送何處接受入已之贓何人齎送何
處接受或有或無逐一追究明白刑曹天下之平既
不肯枉自不能縱從實具奏恭候

聖裁此事既完仍以二犯并王如龍通送都察院轉發巡按御史杜化中處提吊應審人卷嚴加覆問毋拘成案務得初情各另具本回奏以正法典及照戚繼光身膺重寄時值春防巡按所論如果有據法不止於罷黜仍當明正其罪但今是非未定即加戒諭似不足以及服其心聽候勘明之日另行具奏定奪隆慶六年正月二十四日題奉
聖旨是欽此

覆都給事中章甫端等申飭春防疏

題爲因時審勢申飭春防大計以保萬全治安事職方

清吏司案呈奉本部送兵科抄出兵科都給事中章甫端題奉

聖旨兵部知道欽此欽遵抄出送司案呈到部看得兵科都給事中章甫端等題稱春融冰釋塞上之草漸青互市之期又迫黃化二酋尋殺史車索市便門似有挑釁之端銀錠諸人叩關求索經內搶番每有狂逞之態上繼諸部環聚羅伺恐爲報復之舉今歲春防尤宜加慎乞行各道總督嚴督各該鎮巡等官審勢相機從實幹濟各一節爲照今歲春防在西虜則隱憂伏禍當嚴先事之圖在東虜則切齒憤心當懷常

勝之懼比之往歲委有不同該科執簡籌畫九邊虜情如在目中以臣等愚見各邊春防固爲喫緊薊鎮春防尤爲喫緊蓋土蠻全部自秋徂冬時切窺伺跡雖多在於遼意實全在於薊仰仗

天威震疊人懷敵愾綏綏之欲竟未一逞然其心何嘗一日忘薊鎮哉即目春草漸長河水大解況閏有二月一月入夏更遠相應亟行申飭合候

命下本部馬上差人齎文交與總督薊遼保定劉應節宣大山西王崇古陝西三邊戴才嚴行各該鎮巡副叅遊守等官查照該科所陳并先年刊布防邊議條

節次題行春防事理務要密實舉行事修守者不可
怠惰修守尤必速偵明燧險小器練兵以防暮夜之戒
重竊磨者不可專恃羈縻尤必潛修內治預圖戰守
以待不測之變果能迎敵血戰大挫賊鋒或堵截境
外不使深入朝廷自有重天陞賞如或因循悞事
致有疎虞聽臣等與該科從重叅究薊鎮總督雖將
見任兵馬分布十路卑弱之甚速宜差官催促南兵
督同鎮巡官戚繼光楊兆安置各臺以備戰守用保
萬全隆慶六年正月二十四日題奉
聖旨是欽此

覆總督漕運都御史王宗沐裁革漕運叅將疏
題爲換置文武職官以裨漕運事職方清吏司案呈奉
本部送吏科抄出總督漕運兼提督軍務巡撫鳳陽
等處地方都察院右副都御史王宗沐題奉

聖旨該部知道欽此欽遵抄出送司案呈到部看得總督
漕運都御史王宗沐題稱漕運原設總兵巡撫已足
又有叅將督餉近日催餉之法已密本官只是出駐
瓜儀是爲冗員乞要裁革一併卽爲照

國家歲漕四百萬石以供京師誠爲重務以故淮安地
方旣設總兵官鎮守又設叅將協同事雖專干漕

職實兼乎兵戎萬一總兵陞遷事故叅將自可兼理
不致妨廢

祖宗建置之意可謂深且遠矣即如嘉靖三十五年江北
一有倭警總督陳儒即欲添設防護糧運于時本部
覆奉 欽依遂以其責付之叅將足爲明驗乃今都
御史王宗沐具題前因欲要添設叅政革罷叅將無
非以去歲漕運廢弛改弦易轍之意緣叅政既設叅
將自當暫罷在應擬議合候

命下將漕運叅將如擬裁革見任叅將黃應甲本部另行
改用以後漕政修舉叅將如果仍當復設悉聽鳳陽

都御史會同彼處巡按御史徑自具奏隆慶六年正月三十日題奉

聖旨是欽此

覆宣大巡按御史劉良弼議燒荒優家丁疏

題爲申明權時事宜預塞因襲弊源事職方清吏司案呈奉本部送兵科抄出巡按直隸監察御史劉良弼題奉

聖旨兵部知道欽此欽遵抄出送司卷查隆慶五年三月內該總督宣大山西右都御史王崇古題談本部等衙門會議得除行宣大併陝西三邊暫止擣巢駝馬

其燒荒係節年奉勅舉行似當仍舊又查得本年
八月內該巡撫大同右僉都御史劉應箕題一款恤
家丁以備戰陣詎戶科覆議將一等真夷除正糧外
每月准給米五斗另給銀三錢次等通丁每月止准
給米五斗巡按直隸監察御史劉良弼題一款勇士
散逸之漸該總督宣大山西尚書王崇古議擬本部
題覆備行宣大山西總督撫鎮等官將一等真夷二
等通事月給內菜并幼丁糧銀以資養贍其軍門兩
掖巡撫標下及奇遊等營各路援兵各家丁查明一
體支給俱經題奉

欽依外今該前因通查案呈到部看得巡按直隸監察御史劉良弼具題前因大約二事其一謂燒荒一節前歲間一停之昨歲亦未曾實舉行但恐年復一年各將官退託廢墜其二謂家丁素恃搗巢尅馬以爲活計近因禁止故與加增月糧但恐虜已敗盟各丁仍藉口增加乞要預爲申明各一節爲照燒荒乃祖宗舊制防邊禦虜實不可易之經加糧乃優恤

特恩收換合離實不容已之權一則恐漸致廢弛美意良法終難振舉一則恐遂成視勢殊時易卒難減革據巡按御史劉良弼具題前因杜漸防微均爲有

相應通行依擬合候

下移咨宣大總督王崇古嚴督宣天山西鎮巡官查
先今議題奉有 勅諭事理行令副叅遊守等官各
將境外荒草務要焚燒盡絕其由回奏其家丁所增
月糧明白曉諭以謂目下虜酋款塞 朝廷念爾等
不得搗巢尅馬過活艱辛額外爲爾等區處非是一
定之例以後別有虜情自當照舊不許因而藉口隆
慶六年正月三十日題奉

聖旨是欽此

覆給事中宗弘暹請命本部管理柴炭銀兩賑

題爲議處繁役以蘇民困事
車駕清吏司案呈奉本部
選工科抄出兵科給事中宗弘暹題奉

聖旨兵部知道欽此抄出送司案呈到部看得兵科給事
中宗弘暹所議柴炭銀兩欲要悉倣工部事例各衛
之銀悉解武庫司收貯而商人之出納以兵部司屬
官掌之或以武庫前司主事兼理每遇年終會同巡
視科道類查其運入也官給批文上納完日即赴部
照數支領隨到隨給毋致稽留仍嚴禁內外各役洗
革宿弊一節爲照前項柴炭商人軍三民七召商辦
納隸工部者人心樂從一呼而集隸後府者人皆畏

避百計求免即如近日五城編審之時或落髮爲僧
或甘心求髡哀號之聲耳不忍聞蓋因各項棍徒嚇
訐需索無所不至一入其網立致破家其所由來非
一朝一夕之故矣英國公張溶新掌府事雖嘗督率
司屬力革常例然治病者不在治標當治其本治水
者不在治流當治其源所據給事中宗弘暹欲照工
部事例行令本部司屬專任其事誠爲正本清源之
論相應亟行議擬合候

命下本部專委武庫司掌印郎中自今爲始將柴炭商人
事宜應徵解者設法如期徵解應上納者督令及時

上納各衛所解送柴炭銀兩到部即與查收商人上納柴炭取有惜薪司實收即與給價每遇年終將放收過數目備造青冊會同巡視科道類查一次臣等堂官仍總領大綱禁革奸蠹內外官吏人等如敢仍前作弊聽本部并巡視科道指名叅治其在外衛所銀兩如果拖欠本部查照原奉

欽依事理移咨順天保定巡撫都御史作速催解不許遲緩隆慶六年正月三十日題奉

聖旨是欽此

覆都給事中梁問孟等請命廣東守臣勦倭疏

題爲海倭巨寇攻破二縣查叅失事官員以懲頽玩併
乞 勅督撫諸臣速議追勦以靖地方事職方清吏
司案呈奉本部送兵科抄出兵科都給事中梁問孟
等題奉

聖旨兵部知道欽此欽遵抄出送司查得近該巡按廣東
監察御史楊一桂題該本部覆議得瓊州一府即古
朱崖之地限隔海南去天獨遠賊之巢穴乃盤據其
中我之州縣反環列于外平時苦于生熟二黎之擾
已自難支近又加以倭寇之變無城縣分如樂會文
昌未免先罹其害保隘既難應援不便海際蒼生真

在水火之中相應亟爲計處合候

命下木部馬上差人移文督兩廣侍郎殷正茂嚴行總
兵官張元勳分發將領統領官兵與遊擊晏秋元會
令一處戮力勦逐務要剋期平蕩以靖地方不許藉
口海洋艱阻逗遛觀望坐失事機其會同感恩二縣
亦無城垣諒府知府照依原議多方固守若能保全
一縣即爲一縣之功其失事人員事完之日通聽巡
按御史查理明白從實奏奏有能立功自贖者即與
開免至于善後之節不如修城設險等項提督官亦要
一併詳議具奏等因題奉

欽依已經通行欽遵去後今該前因查呈到部看得兵科都給事中梁問孟等題稱瓊州地方海倭山賊勾引爲患攻破樂會文昌二縣遊擊晏秋元坐視不救假以持重爲詞以致二縣攻破見今會同感恩二縣岌岌可虞并查叅誤事官員議處善後事宜各一節爲照瓊州地方既經攻破樂會文昌二縣不止遊擊晏秋元有罪兵備守巡府縣等官均難辭責內兵備副使楊世華推陞已久尚未抵任顯有規避之情近雖調補江西仍當究治但今賊勢方熾正在用人之際所據該科叅論前因相應通行議擬合候

命下將晏秋元并叅議周鳴埴僉事許孚遠知府王可大俱先行往俸令其戴罪殺賊本部一百移咨提督兩廣侍郎殷正茂查照先今事理嚴行總兵官張元勳督令遊擊晏秋元先將前賊上緊勦逐如果電白有事勢難旋師即便量調附近官兵選擇謀勇將官統領星馳策應務要刻期勦平以除剝膚之患至於會同感恩二縣應該作何保全樂會文昌二縣應該作何克復瓊崖萬儋等府州縣應該作何固守地方失事官員要見其尚堪留某當更置某事可救目前某事可圖善後併查訓使楊世華緣何久不赴任有無

違限是否規避先行密奏其有功有罪人員事完之日通聽巡按御史備查明白分別具奏定奪隆慶六年正月三十日題奉

聖旨是欽此

覆巡撫宣府都御史吳允等計處安插史車二營屬夷疏

題爲計處屬夷以防變詐以固疆圉事職方清吏司案呈奉本部送兵科抄出巡撫宣府等處地方贊理軍務都察院右僉都御史吳允題又談巡按直隸監察御史劉良弼題爲慎測虜情以嚴戒備事俱奉

聖旨兵部知道欽此通抄送司案呈到部看得巡撫宣府
都御史吳允題稱黃台吉下比妓誘哄車夷帳房三
十餘頂往東密雲邊外去訖隨差通夜前往黃台吉
帳房責問回稱番文容自往東邊夷婦帳房內審查
乞要將見留史車諸夷干近邊閑曠處所另築小堡
二三座安插永樹藩籬又該巡按御史劉良弼題稱
近傳報黃台吉妻統領精兵數千餘騎將屬夷車營
恰兒台吉二千夷人帳房數十餘頂盡行搶去及稱
車夷與史夷自相依附爲我外藩車夷既去史夷勢
孤史夷再去則北路藩籬盡撤乞要行令邊臣熟加

體察慎度虜情嚴爲隄備各一節爲照宣府北路邊
外寄住史車二營均係朵顏族類史營依山林爲巢
穴服從最久至於車營效順僅有數年要之皆於我
邊無關重輕及查車營受賞冊內總數不過一千六
百有奇革固等小酋雖稱東移五纜等大酋部落尚
在所據搶虜車營二千之說似爲一時傳報之過况
黃台吉執稱向不知情必須就彼查究明白既不
張皇以驕彼虜之心亦不宜踈略以中彼虜之計巡
撫都御史吳允欲要築堡二三座安插巡按御史劉
良弼欲要慎察虜情嚴爲隄備無非預飭邊防以圖

萬全之意相應通行議擬合候

命下備行總督尚書王崇古公同巡撫都御史吳允總兵
官趙奇差人於俺荅老把都黃台吉處嚴加追問要
見輩因等緣何東徙責令黃台吉及早遣還如果占
恠不發一面將見在車夷家口革除撫賞以示後戒
一面將善後事宜如築堡安插等項從長酌議務中
機宜事在閫外邊臣自能同心計處本部難以遙制
隆慶六年二月初一日題奉

聖旨是欽此

楊襄毅公本兵疏議卷二十三終